

8. gr.

Gr. 5.2.4.2.1 falli niður og í hennar stað komi ný gr. 5.2.4.2.1 svohljóðandi:

- 5.2.4.2.1 Einn hreyfill óvirkur. Ef markhreyfill flugvélar verður óvirkur einhvers staðar á áætlaðri flugleið eða ráðgerðum frávikum frá henni á að vera unnt að halda fluginu áfram, án þess að fljúga nokkru sinni niður fyrir lágmarksflughæðir, til flugvallar sem hægt er að lenda á í samræmi við ákvæði í gr. 5.2.4.3.

9. gr.

Gr. 9.1.2.1 falli niður og í hennar stað komi ný gr. 9.1.2.1 svohljóðandi:

- 9.1.2.1 Fram að 1. janúar 1992 gildir, þótt flughandbók geri einungis ráð fyrir einum flugmanni skulu samt í atvinnuflutningum með farþega vera tveir flugmenn með réttindi á hlutaðeigandi flugvéartegund, þegar um er að ræða:
- a) reglubundið áætlunarflug og leigu- eða þjónustuflug, milli Íslands og annarra landa, og
 - b) reglubundið áætlunarflug og leigu- eða þjónustuflug, með:
 - i) þotum,
 - ii) skráfuþotum með jafnþrýstibúnaði,
 - iii) flugvélum sem gerðar eru til flutninga á fleiri en 9 farþegum.

10. gr.

Gildistaka.

Reglugerð þessi er sett samkvæmt 188. gr. laga nr. 34, 21. maí 1964 um loftferðir og tekur til íslenskra flugvéla, svo og annarra flugvéla, sem íslenskur flugrekandi notar eða ræður yfir, og öðlast gildi 1. janúar 1990.

Samgönguráðuneytið, 6. desember 1989.

Steingrímur J. Sigfússon.

Halldór S. Kristjánsson.

REGLUGERÐ**um greiðslur verðmiðlunargjalda til mjólkurbúa árið 1989.**

1. gr.

Tekjum af verðmiðlunargjaldi mjólkur skv. 19. gr. laga nr. 46/1985 skal varið til eftirfarandi viðfangsefna:

- a. verðmiðlunar á milli afurðastöðva til að jafna flutningskostnað frá framleiðendum að afurðastöð í þeim tilgangi að auðvelda hagkvæman rekstur stöðvanna.
- b. að koma á hentugri verkaskiptingu milli afurðastöðva.
- c. að jafna aðstöðu afurðastöðvanna til að koma vörum sínum á markað.
- d. að greiða nauðsynlegan flutning á milli svæða þar sem vöntun kann að vera á einstökum afurðum.

2. gr.

Verðmiðlunargjald til þeirra verkefna sem um getur í 1. gr. skal miðast við það gjald sem innheimt er af framleiðslu mjólkur skv. ákvörðun landbúnaðarráðherra á tímabilinu 1. janúar 1989 til 31. desember 1989.

3. gr.

Verðmiðlunin skal ná til eftirtalda mjólkurbúa:

M.s. í Reykjavík	M.s. á Akureyri
M.s. í Borgarnesi	M.s. á Húsavík
M.s. í Búðardal	M.s. á Þórshöfn
M.s. á Patreksfirði	M.s. á Vopnafirði
M.s. á Ísafirði	M.s. á Egilsstöðum
M.s. á Hvammstanga	M.s. í Neskaupstað
M.s. á Blönduósi	M.s. á Höfn í Hornafirði
M.s. á Sauðárkróki	Mjólkurbú Flóamanna

Við ákvörðun á verðmiðlunarþörf innan 1. sölusvæðis skal rekstur allra mjólkurbúa á því svæði reiknaður sameiginlega.

4. gr.

Framleiðsluráð landbúnaðarins reiknar út verðmiðlunargreiðslur til mjólkurbúa skv. ákvæðum þessarar reglugerðar. Við ákvörðun á greiðslum úr verðmiðlunarsjóði skal leggja til grundvallar ársreikning viðkomandi mjólkurbús og skal vera staðfest með áritun af löggiltum endurskoðanda að hann sé gerður samkvæmt lögum og almenntri reikningsskilavenju. Ársreikningur skal geyma rekstrarreikning, efnahagsreikning, fjármagnsstreymi eða sjóðs-streymi og skýringar. Framleiðsluráð landbúnaðarins getur krafist enn frekari sundurliðana og skýringa af hálfu viðkomandi mjólkurbús áður en því er ákveðinn réttur til framlags úr verðmiðlunarsjóði.

Með ársreikningi skal fylgja:

- a. Sundurliðanir á samsettum liðum.
- b. Fyrninga- og endurmatsskýrsla.
- c. Rekstraruppgjör flutninga mjólkur að vinhslustöð.
- d. Yfirlit yfir öll langtímalán er sýni stöðu þeirra í upphafi árs, lántökur, afborganir, verðbætur/gengismun, stöðuna í árslok, gjaldfallna vexti, gjaldfallnar afborganir og afborganir á næsta ári.
- e. Greinargerð um vaxtaútreikning milli mjólkurbús og rekstraraðila/mjólkurbús og vegna stofnsjóðs og varasjóðs.
- f. Skýrsla um fjárfestingar og viðhald. Sé um umtalsverðar fjárfestingar eða viðhald að ræða skal viðkomandi mjólkurbú láta fylgja staðfesta heimild til framkvæmdanna, sbr. samning Framleiðsluráðs landbúnaðarins og Samtaka afurðastöðva í mjólkuriðnaði á grundvelli 48. gr. laga nr. 46/1985.
- g. Yfirlit um myndun grundvallarverðs.
- h. Yfirlit yfir magn hrámjólkur sem fer um vinnslustöðina þ.e. innvegið magn +/- aðkeypt/seld hrámjólk.
- i. Skýrsla um nýtingu innveginna mjólkur (fita, undanrenna o.fl.).
- j. Greinargerð um hlutdeild í sameiginlegum kostnaði sbr. ákvæði 7. gr.

5. gr.

Við ákvörðun á verðmiðlunarþörf hvers mjólkurbús skulu, auk þess sem um getur í 8. gr., neðangreindir liðir teljast til kostnaðar með eftirfarandi hætti:

1. Af reiknuðum vöxtum af varasjóði mjólkursamlaganna og öðru eigin fé 40%.
2. Af tillögum í varasjóð og aðra eiginfjársjóði 40%.

3. Rýrnun vegna slæmrar nýtingar á innveginni mjólk sbr. 6. gr. skal ekki telja með sem kostnað.
4. Verðfellingar eða afslætti frá skráðu heildsöluverði vegna gæðaafalla skal ekki telja með sem kostnað.

6. gr.

Tekjuserðing sem hefur orðið vegna slæmrar nýtingar á innveginni mjólk skiptist þannig milli vinnslustöðvar og verðmiðlunarsjóðs við ákvörðun verðmiðlunargjalda:

	Vinnslustöð	Verðmiðl.sjóður
a. Fiturýrnun	100%	
b. Undanrennurýrnun	50%	50%
c. Nýmjólkurrýrnun	100%	

Hvert mjólkurbú skal skila greinargerð um nýtingu og rýrnun með ársuppgjöri. Heimilt er að veita M.s. Þórshöfn og M.s. Patreksfirði undanþágu frá ákvæðum b-liðar.

7. gr.

Þar sem mjólkurbú er rekið í fjárhagslegum tengslum við annan atvinnurekstur, skal sá hluti sameiginlegs kostnaðar sem bókfærður er á rekstur mjólkurbúsins, grundvallast á sannanlegum kostnaði sem hinn aðilinn leggur til mjólkurbúsins og skal fylgja í gögnum um verðmiðlunarþörf sérstök greinargerð þar um.

8. gr.

Við endanlega ákvörðun verðmiðlunar til hvers mjólkurbús fyrir sig, skal draga frá reiknaðri þörf verðmiðlunar 60% meðalhagnaðar af rekstri þess er varð árin 1987 og 1988 og hann framreiknaður m.v. lánskjaravísitölu í lok hvers árs.

9. gr.

Nú verður reiknuð verðmiðlunarþörf meiri en heimilt er að ráðstafa til verðmiðlunar skv. 2. gr. og skal þá skerða rétt allra búa til verðmiðlunar í sama hlutfalli af reiknaðri verðmiðlunarþörf.

10. gr.

Greiðslum úr verðmiðlunarsjóði vegna rekstrarársins 1989, skal lokið eigi síðar en 31. ágúst 1990.

11. gr.

Ársreikning mjólkurbús ásamt fylgigögnum fyrir árið 1989 skal skila til Framleiðsluráðs landbúnaðarins eigi síðar en 31. mars 1990. Ef reikningsskil mjólkurbús berst síðar, er ekki tryggt að viðkomandi aðili komi til álita við frekari úthlutun úr verðmiðlunarsjóði fyrir árið 1989.

12. gr.

Reglugerð þessi er sett samkvæmt heimild í 27. gr. laga nr. 46 27. júní 1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 5. desember 1989.

Steingrímur J. Sigfússon.

Jón Höskuldsson.